

La cabro que voulié pas passa lou pont

Un cop èro, un ome menè uno cabro au marcat.

Arriba au pont, la cabro vóuguè pas passa la ribiero. L'ome cridè au chin e diguè :

- Chin, aganto la cabro que vòu pas passa lou pont !

Lou chin vóuguè pas aganta la cabro...

Alor, l'ome cridè lou loup que se passejavo dóu coustat dóu bos :

- Loup, manjo lou chin !

Mai lou loup vóuguè pas manja lou chin...

Alor, l'ome cridè l'ourse qu'èro sourti de sa baumo :

- Ourse, fai courre lou loup !

Mai l'ourse vóuguè pas faire courre lou loup...

Alor, l'ome cridè lou biòu que manjavo dins lou prat :

- Biòu, estripo l'ourse !

Mai lou biòu vóuguè pas estripa l'ourse...

L'ome pressè uno cordo e ié diguè :

- Couardo, estaco lou biòu !

Mai la couardo vóuguè pas estaca lou biòu...

Alor, l'ome demandè au gàrri :

- Gàrri, rousigo la cordo !

Mai lou gàrri vóuguè pas rousiga la cordo...

Alor, l'ome cridè lou cat e ié diguè :

- Cat, manjo lou gàrri !

E lou cat qu'èro maigre e qu'avié fam, qu'avié pas manja despièi quatre o cinq jour, vóuguè bèn manja lou gàrri.

Lou gàrri, pèr pas se faire manja, vóuguè bèn rousiga la cordo !

La cordo, pèr pas se faire rousiga, vóuguè bèn estaca lou biòu !

Lou biòu que voulié pas se faire estaca, vóuguè bèn estripa l'ourse !

L'ourse, de pòu de se faire estripa, faguè courre lou loup !

Lou loup, que voulié pas courre, vóuguè bèn manja lou chin !

E lou chin, pèr pòu de se faire manja, vóuguè bèn aganta la cabro !

Mai la cabro, elo, pèr pòu de se faire aganta, passè la ribiero sus lou pont !

Mai fau dire que lou marcat èro acaba quand l'ome i'arribè amé sa cabro.

S'entournè à soun oustau... E la cabro fuguè bèn countènto, que voulié pas èstre vendudo...